

Exploring the ancient path in the Buddha's own words -- Lesson 3.4.8

Mahācattārīsakasuttaṃ cont.

Tatra, bhikkhave, sammādiṭṭhi pubbaṅgamā hoti. Kathañca, bhikkhave, sammādiṭṭhi pubbaṅgamā hoti? Micchāvācaṃ ‘micchāvācā’ti pajānāti, sammāvācaṃ ‘sammāvācā’ti pajānāti; sāssa hoti sammādiṭṭhi. Katamā ca, bhikkhave, micchāvācā? Musāvādo, piṣuṇā vācā, pharusā vācā, samphappalāpo – ayaṃ, bhikkhave, micchāvācā.

Katamā ca, bhikkhave, sammāvācā? Sammāvācampaṃ, bhikkhave, dvāyaṃ vadāmi – atthi, bhikkhave, sammāvācā sāsavā puññabhāgiyā upadhivepakkā; atthi, bhikkhave, sammāvācā ariyā anāsavā lokuttarā maggaṅgā.

Katamā ca, bhikkhave, sammāvācā sāsavā puññabhāgiyā upadhivepakkā? Musāvādā veramaṇī, piṣuṇāya vācāya veramaṇī, pharusāya vācāya veramaṇī, samphappalāpā veramaṇī – ayaṃ, bhikkhave, sammāvācā sāsavā puññabhāgiyā upadhivepakkā.

Katamā ca, bhikkhave, sammāvācā ariyā anāsavā lokuttarā maggaṅgā? Yā kho, bhikkhave, ariyacittassa anāsavacittassa ariyamaggasamaṅgino ariyamaggaṃ bhāvayato catūhi vacīduccaritehi ārati virati paṭivirati veramaṇī – ayaṃ, bhikkhave, sammāvācā ariyā anāsavā lokuttarā maggaṅgā.

So micchāvācāya pahānāya vāyamaṭi, sammāvācāya upasampadāya; svāssa hoti sammāvāyāmo. So sato micchāvācaṃ pajahati, sato sammāvācaṃ upasampajja viharati; sāssa hoti sammāsati. Itiyime tayo dhammā sammāvācaṃ anuparidhāvanti anuparivattanti, seyyathidaṃ – sammādiṭṭhi, sammāvāyāmo, sammāsati.

Majjhimanikāye, Uparipaṇṇāsapāḷi, Anupadavaggo

anuparidhāvanti	anu + pari + dhāvanti	following + round + go, walk
anuparivattanti	anu + pari + vattanti	following + round + turn
ariyamaggasamaṅgino	ariya + magga + samaṅgino	noble + path + endowed with, possessing
upadhivepakkā	upadhi + vepakkā	a substratum of being, attachment + ripening, yielding fruit
upasampadā		obtaining, acquiring
puññabhāgiyā	puññabhāgiyā	merits + connected with, conducive to
vacīduccaritehi	vacī + du + c + carita + ehi	speech + bad + behaviour, conduct + by, through
vāyamati		strive, endeavour
